

**Florus Biblicus Seu Narrationes, Ex Veteri Testamento
Selectæ**

Pexenfelder, Michael

[S.I.], 1711

LXVIII. Absalonis in parentem rebellio; Davidis fuga.

[urn:nbn:de:hbz:466:1-64523](https://nbn-resolving.de/urn:nbn:de:hbz:466:1-64523)

(299)

NARRATIO LXVIII. ABSALONIS AD- VERSUS PARENTEM DAVIDEM REBELLIO. DA- VIDIS FUGA.

2. Reg. 15. 16 17. Annis Mundi 3008. 3009.
Ante Ch. 1045. 1044.

Absalon inter clades Davidicas exemplum non postremum , degener filius , juvenis varij , insolentis , elati , indomiti ingenij , postquam Ammonem , fratrem natu primum , uti narravimus , specie quidem ulciscendi flagitij , revera jus primo- geniti involaturus , temulentum inter pocula per servos suos interfecit , epulásque , quibus fratres adhibuerat omnes funere , ploratu , fuga convivarum turbavit , ad Gessuritarum Regem profugus , fœdos in corpore formoso mores , idololatrarum contuberniō , fœdiiores reddidit . Post exlij triennium , patris in gratiam reductus ; patrem paullò post de- pellere regno , vitaque meditatur . Biennium efflu- xerat , ex quo Ierosolymam reversus , in parentis demum conspectum admisitus est , patrociniō Ioabi , supremi militiae Ducis . Ex reconciliatione haud paullò deterior evasit , quam fuerat ; & qui manus fraterno jam sanguine cruentarat , eas paterno quo- que cruore imbuere statuit , nihil non movens in Aula , patris ut vitam & diadema raperet ; quare do- dum curribus & equis instruit , viros sibi circum- pedes adjungit manu promptos , & ad quidvis au- den-

NAR.

dendum paratos. Deinde blandis affatibus captare
subditorum benevolentiam , arguere patris neglig-
gentiam in tractandis negotijs publicis : tribunali-
um justitiam requirere : summō manē ad regiæ ve-
stibulum consistere : advenientibus studia sua defen-
re , pelliceri obsequia , honorem habere se vene-
rantibus : manu etiam levare , si quos reverentia
profundiūs inclināset ; in amicitiæ tesseram , oscu-
la partiri. Atque ut pellax est forma , miram ei grā-
tiam conciliabat species , imperio digna , & flores
juventus ; humanitas præterea & comitas agendi ,
loquendique , cum acri ingenio , mentisque vigore
conjuncta. Rex parens , quod esset animi minime
suspicacis , & indulgentioris æquò in liberos , cum
dominatūs apparatum juvenili magis fastui , quam
ambitioni tribuebat.

Interim filius telam cæptam pertexere , religio-
nem sceleri prætendere , *Hebronem* , urbem natalem
& Divorum Patriarcharum lipsanis religiosam , ma-
chinationibus suis idoneam , bona cum patris venia
petere , tanquam vota DEO nuncupatâ , sacrificij
exsoluturus. Euntem , præter domesticos , & ami-
cos , consiliorum participes , ducenti comitahan-
tur armati , præditionis ignari. Hebrone res cura-
tur non divina , sed bellica ; miles colligitur , audi-
cissimus quisque in partes trahitur. Præcipuo in-
ter numerabatur *Achitophel* vir primi nominis & Da-
vidi à consilijs , homo versutus ; & mirus fraudum
artifex ; oraculum Hebrææ curiæ , cùm ætate , tu-
• experientiâ longè omnium sagacissimus. Is qui
dudum aversum à Rege gerebat animum (prope
Beelabéam , neptem suam , adulteriō pollutam
& ma-

maritum ejus Uriam, malis artibus interemptum) ad partes Absalonis se adjunxit, eique adjutor extitit, patris è solio, vitaque deturandi. Mittuntur itaque quaquaversum nuntij; ingens hominum multitudo confluit; Absalon consonis omnium vocibus Rex proclamatur. Hic vires ab recenti dignitate, & calentibus conjuratorum studijs adeptus, mox in genitorem arma, legiones, castra, regni que totius robur movet.

David haud nescius, se premi *malō*, juxta Nathani vaticinium, *sua de domo suscitando*, noluit se munimentis Arcis Sionæ includere, ne videretur velle cum DEO pugnare; fugam arripit deserta versus loca, jam olim nota, cum pauciore, sed meliore clientium parte [in quibus erant Reginæ, filij, sexcenti Praetoriani milites, flos bellatorum à S. Scriptore *Celethi* & *Phelethi* nominantur] nudis pedibus, flens, & operto capite, quemadmodum rei solent; comitibus pariter luctum ore, habituque testantibus. In eo comitatu fuit etiam *Ethai*, Gethæus; [filius Achis Regis, juxta Hebræos; qui Davidi profugo *Sicelégum* oppidum dono dederat.] qui recens ad Davidem cum quodam socrorum manipulo Solymam venerat, séque Judaicis Sacris adiixerat. Ei cùm David redditum in urbem frustra persuadere conaretur, permisit fidos inter amicos tandem, secum aleam subire.

Regem fugitivum, superato jam *Cedrone* torrente secuti sunt *Abiathar* Pontifex *Sadocus* Sacerdos, cum universo Levitarum Ordine, & Arcæ Divinæ præsidio; ex qua cum Oraculum de profectione consultum, nihil responsi Pontifici redderet, Rex silen-

silentium, Numinis offensi indicium interpretatus, magna se demissione, & animi æquitate, cœlesti arbitrio subjicit, virōsque sacros Hierosolymam remisit, monitos, ut in omnes Absalonis molitiones intenti, si quid accideret, se ignorare ne pateretur. Cæterū compertō, Achitophelem cum filio conjurâsse, enixè DEUM obsecravit David, hominis ut callidissimi consilia frustraret, & propriam in perniciem averteret. Inde consenso montis Olymarum vertice, lacrimabundus respicit Solymam urbem, præsertim Sionis regiam, Divini sedem Oraculi, nunquam fortè revidendam. Erant rum pariter in oculis, & animo commissa scelera provocatus ad iram DEUS; rebellis filius; regnum laboribus partum, jam eripiendum. Resonabant in auribus perduellium voces, Absalonem Hebreo Regem, ipsō repudiatō, salutantium.

Id loci obvium habet, amicorum principem, **Chusai** nomine, scissa veste, & capite inspersum cinnere, regiæ calamitati indolentem, séque in omnes fortunæ vices socium offerentem. Hunc quoque redire jussit Hierosolymam, simulatōque partium adversarum studiō, hostium secreta: Achitophelis imprimis consilia perscrutari, iisque se opponere. Quod ille non minore fide præsttit, quam curâ David mandavit. Non longè hinc occurrit **siba**, famulus **Miphibosethi**, filij **Ionahæ**, quem domestici lares utroque claudum pede Hierosolymis atinebant. Duos secum adduxerat asinos, vino & cibarijs onustos; ijs sibi muneribus viam ad Davidis benevolentiam, suāmque perfidiam muniturus. Rogatus de hero, cur fugæ comitem se non addi-

pretatus, diffet, per summam calumniam respondit, Miphibosethum domi desidere, novis spebus restituendi
 celesti ar- aviti regni (nepos enim erat Saulis) imminentem.
 ymam re- Nec dubitavit David fidem adhibere criminatio-
 nolitione- ni, utique absurdissimæ; quid enim in illo tumultu,
 e pateren- aut serebatur, aut metebatur Saulicæ familiæ; aut
 n cum b- quid ineptius ad regnum, quam Miphibosethus, ho-
 avid, ho- mo corporis elumbis, & pedibus captus? Invenit
 propria- tamen improbissimi capitis fallacia locum apud vi-
 nontis O- rum prudentiâ præstantem; sed partim artificio, &
 Solymp- imprudentiâ calumniantis, partim nimia credendi
 ini sedent- facilitate circumventum. Quid multa? Miphibo-
 Erant tum- fethus, tanquam ingratus cliens possessionibus suis
 ra provo- spoliatur: Siba proditor domini sui ijs donatur. Sed
 gnum tot- hunc prolapsum, admirabilis patientia, adversus
 esonabant- impurissimi Oris maledicta excepit. Cùm enim
 n Hebro- Rex *Bahurim* usque, oppidum Tribûs Benjamiticæ
 incipem- progressus esset, sese in conspectum dedit, *Semei*
 versum ci- quidam, homo potens opibus & cognatione Sau-
 leæ stirpis. Is non satis habuit, Regem atrocissimis
 e in om- maledictis infectari, invasorem regni alieni, adul-
 unc quo- terum, & sanguinarium tyrannum proclaimare, di-
 que par- ris omnibus execrari; Sed cùm convitijs, & ver-
 Achito- borum contumelijs etiam lutum ac lapides, in Da-
 ue se op- videm, fugæque Socios jactavit. Vindictæ cupi-
 cit, quam occurrit- das cùm cæteros milites, tum *Abisaium*, militarem
 in dome- ducem, *Sarvia*, Davidis sorore genitum, meritas
 ymis at- in iras stimulavit; nec erat manum à cæde abstenu-
 , vino & turus, nisi gladium impio jugulo imminentem Da-
 Davidis uniturus, vidis mansuetudo repressisset, haud ignari, sceleri-
 on addi- bus suis vindicem, etiam hunc lictorem immissum
 difset.

Inte-

Interea Absaloni cum Achitophele Jerosolymam ingresso, concursu populi factō, etiam Chusai festi-
tit; adoratōque Rege, perpetuum ei imperium pre-
catus est. Rogatus, cur, qui praeceps inter fidissimos Regis amicos esset habitus, nunc ab eo
transfugeret, respondit compositis ad quævis obse-
quia verbis, sequi se, quæ plures præeant, & DEUS
ipse ducat; qui cùm meliori faveat causæ, par esse
ut ipse quoque auspicijs se divinis accomodet; mu-
tare se dominum, non fidem; eam patri probatam,
sperare etiam filio, legitimo regni Successori, non
improbandum. Quibus verbis omnem Juveni sus-
pcionem exemit; eumque honoris invenit locum,
quem apud Davidem habuerat; temporis, si quis
quam aliis, prudens arbiter, & officiorum simu-
lator, cuius Rei mox insigne specimen dedit, par
fidelitatis in veterem dominum, & personæ novo
imperio servientis, commendatione.

Fortè consultabatur de rationibus gerendi belli;
Achitophel auctor est Absaloni, parentis ut regiam
& solium occupet: reginis, in custodiam palatij re-
lictis (uxores erant Davidis secundariæ, quas S.
Historicus, *concubinas* appellat) publicè stuprum
inferat; (scilicet sub tentorio, palam supra regia
solarium erectō & cortinis velatō) ita populum
sublata reconciliationis spe, obfirmatiūs in defensi-
one perstiturum, ipsūmque stabiliora imperij fun-
damenta positurum. Cui detestabili consilio cùm
juvens impurissimus paruissest; insuper ei hortato-
fit, Davidem ut, quanta maxima posset celeritate
festinet opprimere, antequam se opportunò loco
communiret, collectōque exercitu, fortior eva-

deret ad resistendum ; offert se ducem expeditionis, sex omni hominum multitudine, quæ Hebronem confluxerat, duodena bellatorum millia sibi committerentur. Consilium non vafrè minus excogitatum, quām exitiale regi , si successum habuisset ; quod pari astutia disturbavit Chusai ad dicendam quoque sententiam vocatus. Negat hic cum ea militum manu , Davidem posse in potestatem redigi, latebris forsan inaccessis delitescentem : opus esse majoribus copijs , contrahendas cunctas regni vires, & ipsius summi Imperatoris ductu , in Davidem immittendas. Sic in victoria plus securitatis, gloriæque futurum. Itum est in sententiam Chusai , id callidè agentis, ut David interea , dum exercitus colligitur , moram nactus , incolumitatè fūe longiore fuga consuleret. Respondit eventus consilio. David per *Ionatham* & *Achimaam* Sadoci & Abiatharis filios , de periculo certior factus , *Iordanem* ad tutiora loca petenda trajecit , séque in urbem *Mahanaim* , munitionissimam recepit. Achitophel autem indignè ferens consilium Chusai , suo prælatum , præ impatientia dedecoris , sibi laqueo gulam fregit , exituque docuit , **CONCILIUM
MALUM , CONSULTORI PESSIMUM EXSTITISSE.**

